



O'zbekiston Respublikasi, Xorazm viloyati, 221200, Yangibozor shaharchasi
Ўзбекистон Республикаси Хоразм вилояти 221200 Янгибозор шаҳарчаси, Тел: 41-94-255

2019 йил “1” март

№ 2213

Янгибозор шаҳарчаси

**Тумандаги транспорт воситаларини мажбурий техник
кўриқдан ўтказиш тўғрисида**

“Маҳаллий давлат ҳокимияти тўғрисида”ги (Ўзбекистон Республикаси Олий Кенгашининг Ахборотномаси, 1993 й. 9-сон, 320-модда), “Йўл ҳаракат хавфсизлиги тўғрисида”ги (Ўзбекистон Республикаси қонун ҳужжатлари тўплами, 2013 й. 15-сон, 197-модда) Ўзбекистон Республикаси Қонунларига ҳамда Ўзбекистон Республикаси Вазирлар Маҳкамасининг 2003 йил 31 январдаги 54-сонли қарори билан тасдиқланган “Транспорт воситаларини мажбурий техник кўриқдан ўтказиш тартиби тўғрисида”ги Низомга (Ўзбекистон Республикаси қонун ҳужжатлари тўплами, 2003 й, 1-2-сон, 17-модда) асосан 2019 йилдаги мажбурий техник кўригини ташкил қилиш мақсадида,

Қ А Р О Р Қ И Л А М А Н

1. Янгибозор туман Ички ишлар бўлими Йўл ҳаракати хавфсизлиги гуруҳи (Ж.Авезов) зарур шарт шароитларга (техник диагностика ускуналари, кўтариш мосламаларига ёки қараб чиқиш учун чуқурчаларга, назорат-ўлчаш асбобларига, асфальт ёки бетон қопланган бир текис горизонтал майдончага) ва малакали мутахассисларга эга бўлган ташкилотларда ва техника хизмати кўрсатиш станцияларида, тумандаги юридик ва жисмоний шахсларга, шу жумладан хорижий юридик ва жисмоний шахсларга тегишли бўлган транспорт воситалари қўйидаги даврийликка мувофиқ мажбурий техник кўриқдан (кейинги ўринларда матида “техник кўриқ” деб юритилади) ўтказилишини таъминласинлар:

- а) туманда юридик шахсларга тегишли бўлган транспорт воситаларининг техник кўриги 1 мартдан 10 июнгача;
 - б) тижорат асосида йуловчи ташиш учун фойдаланиладиган енгил автомобиллар, автобуслар ва ўтириладиган жойлар сони 8 та ва ундан ортиқ бўлган (хайдовчининг ўрнидан ташқари), одамларни мунтазам ташиш учун жиҳозланган юк автомобиллари, йирик габаритли, оғир вазнли ва хавфли юкларни ташиш учун махсус транспорт воситалари ва уларга тиркама бир йилда икки марта (1 мартдан 30 июнгача ва 1 сентябрдан 31 октябргача);
 - в) жисмоний шахсларга карашли бўлган транспорт воситаларининг техник кўриги 1 мартдан 31 августгача техник кўриқдан ўтказилсин.
- Ишлаб чиқарилганлигига беш йилдан кўп бўлмаган транспорт воситалари икки йилда бир марта техник кўриқдан ўтказилсин, мазкур банднинг “б” кичик

бандида қайд этилган бир йилда икки марта техник кўриқдан ўтказилиши лозим бўлган транспорт воситалари бундан мустасно.

2. Янгибозор туманида транспорт воситаларини техник кўриқдан ўтказиш учун тузилган комиссия таркиби 1-иловага мувофиқ, юридик шахсларга карашли транспорт воситаларининг 2019 йилги мажбурий техник кўригини ўтказиш жадвали 2-иловага мувофиқ тасдиқлансин.

3. Техник кўриқдан ўтказувчи туман комиссияси:

Ўзбекистон Республикаси Вазирлар Маҳкамасининг 2003 йил 31 январдаги 54-сон қарори билан тасдиқланган “Транспорт воситаларини мажбурий техник кўриқдан ўтказиш тартиб тўғрисида”ги низомнинг 7-бандига асосан транспорт воситалари техник кўриқдан ўтказанлиги учун (мототранспорт, тиркамалар ва ярим тиркамалардан ташқари) энг кам ойлик иш ҳақининг ўндан бир қисми миқдорида:

мототранспорт, тиркамалар яримтиркамалар техник кўриқдан ўтказганлиги учун энг кам ойлик иш ҳақининг йиғирмадан бири миқдорида йиғим ундирилсин;

Юк автомобиллар техник кўриқдан ўтказилганлиги учун энг кам ойлик иш ҳақининг қирқ фоиз миқдорида йиғим ундирилсин.

Биринчи (олдинги) техник кўриқда носоз деб топилган транспорт воситалари такрорий техник кўриқдан ўтказилганлиги учун белгиланган миқдорларда йиғим ундирилади.

Мазкур қарорнинг 1-банди “б” кичик бандида кўрсатилган транспорт воситалари иккинчи марта техник кўриқдан ўтказилганлиги учун йиғим ундирилмайди.

4. Транспорт воситаларни техник кўриқга жалб қилишда Янгибозор туман ички ишлар бўлими Йўл ҳаракати хавфсизлиги гуруҳига, туман муҳофаага кўмаклашувчи “Ватанпарвар” ташкилоти, маҳалла фуқаролар йиғини раислари, туман ички ишлар бўлими ходимлари жамоатчилик асосида амалий ёрдам кўрсатилиши тавсия қилинсин.

5. Мазкур қарор қабул қилиниши муносабати билан Янгибозор туман ҳокимининг 2018 йил 15 февралдаги 622-сон қарори ўз кучини йўқотган деб ҳисоблансин.

6. Янгибозор туман ички ишлар бўлими Йўл ҳаракати хавфсизлиги гуруҳи, транспорт воситаларнинг техник кўриги натижалари бўйича туман ҳокимлигига 2019 йил 10 ноябргача ёзма ахборот бериш вазифаси топширилсин

7. Ушбу қарор туман ҳокимлигининг расмий нашри ҳисобланган “Янгибозор кўзгуси” газетасида эълон қилинган кундан эътиборан кучга киради.

8. Туман ҳокимлиги бош мутахассиси: (Б.Пўлатов)га;

-мазкур қарорни туман ҳокимлигининг yangibozorhokimiyat.uz расмий веб-сайтига жойлаштирилсин;

Янгибозор туман Ички ишлар бўлими Йўл ҳаракати хавфсизлиги гуруҳи (Ж.Авезов) билан биргаликда ушбу қарорнинг мазмун ва моҳиятини аҳолига тушунтириш ишларини олиб борсинлар.

9. Ушбу қарорнинг бажарилишини назорат қилишни туман ҳокимининг ўринбосари У.Саидов зиммасига юклатилсин.

ЯНГИБОЗОР ТУМАН ҲОКИМИ



Ў.МАШАРИПОВ